

23. oktober 2018

UKA2018/48

**1.juli 2019-miit atuutilersumik inatsisinut nalunaarutit atuutsinneqalernis-  
saannut Naalakkersuisut peqquneqarnissaannik Inatsisartut aalajangiiffigi-  
sassaattut siunnersuut.**

(Inatsisartuni ilaasortaq Peter Olsen, Inuit Ataqatigiit)

Inatsisartunut ilaasortap Peter Olsen-ip Naalakkersuisut peqquneqarnissaannik inatsisartut aalajangiiffigisassatut siunnersuutaanut imaattumik oqaaseqassuugut. Oqaluuserisassap matuma suliarinerani misissuataarinerit takutippaat siunnersuut aatsaat qaqqinneqalinngitsaq.

Eqqaamaneqassooq UPA2017-mi siunnersuut uuma assinga siunnersuuteqartup qaqqimmagu uangut Siumumiik assigiinngitsunik tunngavilersuuteqarluta itigartin- nikuugatsigu. Ilaatigut allaffissorneq annertunerulersussaammat sulianik ilisimasa- linnik sulisussanillu pisariaqartitsisussaallunittaaq.

Sulineq unigani ingerlagami Inatsisartunilu inatsisit naleqqussartuaratsigit inatsisillu ullut tamaasa atorfissaqartikkatsigit siunnersuuteqartoq assortorusunngilarput, naak Naalakkersuisut [www.inatsisit.gl](http://www.inatsisit.gl) aqqutigalugit inatsisit, nalunaarutit allallu akuersissu- tigin eqarsimasut ingerlaavartumik tamanut saqqummiunneqartaraluartut.

Siunnersuuteqartup Inatsisartuni Ilaasortatut sulinermini atortussami pingaarnersaasa ajornartorsiuteqarani nassaarisariaqarini tikkuarpaa, aamma inatsisartut allaffissornik- kut sullissisuisa tamanna ujartortaraat ilisimavarput.

Siumumiik takisuuliorata kaammattuutigissuarput inatsisit atortinneqarnerannut ataatsimiititaliami nalilersuilluarlutik suliaqassasut paasiuminarsaanissamillu siuner- taqartumik aappasaanneerinninnissamut suliaqarlutik.

Jess Svane, Siumut